

摘藻堂四庫全書薈要

史部

欽定四庫全書薈要

史部

硃批諭旨卷一百五十四

詳校官編修
巨繆晉

欽定四庫全書薈要卷八千九十六

史部

硃批諭旨卷一百五十四

硃批葛森奏摺

雍正五年六月初七日江安糧道

臣葛森謹

奏竊臣至愚極陋荷蒙

皇上天恩逾格超擢

簡任糧道感沐

洪仁夙夜冰兢惟有矢忠矢慎勉竭駑駘仰報

聖恩於萬一臣自本年四月初八日到任迄今方及兩月其一切事宜尚未深知容臣查確再為另

奏茲交代錢糧冊內查得前任糧道馬世炘有接受前道王希舜動給未還并本任內透支墊給預借各項共銀五萬七千九百六十餘兩米二百一十三石零雖有借支領結尚可追抵之項竝非盡屬無著但現今交盤倉庫已非實在交收至現在交收存庫銀四十四萬八千四百餘兩馬世炘未經

解部將來起解每千應有飯銀十兩添平銀三十
二三兩約共需銀一萬九千餘兩臣向馬世炘催
交據稱前任竝無交下之語馬世炘當日亦未詳
明著落從前經收之員以致懸項但飯銀添平係
解部必需之項臣何能代為賠墊只得一并揭報
總督巡撫現候批示再查糧道倉內有捐監還漕
米二萬八千五百八石零經督撫題明奉

旨准發蘇州松江太倉三府州屬減價平糶臣現在按

數給發所有馬世忻任內那移未清款項臣謹另

單臚列恭呈

御覽伏乞

皇上睿鑒謹

奏

理應代催完項者毋得苛刻若與例不符徇情欺隱之
款豈可代人認過馬世忻猶可王希舜貪饕已甚萬難
寬宥然馬世忻聰明人也交代之際王希舜若不以利

動之亦焉肯甘為徇隱百凡總以秉公處之

雍正五年八月十六日江安糧道臣葛森謹

奏為恭繳

硃批叩謝

天恩事竊臣至微至賤荷蒙

皇上格外洪仁超用糧道感戴

聖恩夙夜惶悚茲於八月十四日跪接

硃批諭旨當即望

闕叩頭謝

恩捧讀之下仰見

聖諭明切周詳無微不至

臣

何人斯得蒙

皇上硃批教訓感激難名銜結無既惟有凜遵

諭旨不敢苛刻亦不敢徇隱矢公矢慎實心奉行以仰

答

高厚於萬一耳為此繕摺叩謝

天恩所有奉到

殊批諭旨理合一併恭繳伏祈

皇上睿鑒謹

奏

朕觀旗籍人員大都不可以臨財每利令智昏身家性命皆有所罔顧不知無恥習氣何至於此汝於操守二字極宜加勉保全滿洲顏面為要如博濟等非前車之戒乎從來貪夫徇利未有不害及其身者當彼營求之際孳孳不倦亦豈知正所以賈禍也言之殊堪憫惻可

惜父母生育之身可惜君上成全之德可惜半世功名
千百年人物區區銅臭寧足相抵且又弗克受享則亦
何所為而樂此不為疲耶能於此一節把持得定其餘
保汝皆堪從容造就勉之勉之

雍正五年九月二十八日江安糧道臣葛森謹

奏為恭繳

硃批叩謝

天恩事竊臣於本年九月二十五日跪接

硃批諭旨當即望

闕叩頭謝

恩敬讀之下感蒙

聖訓周詳懇切操守二字

垂誡再三臣自思何等之人得蒙

皇上恩旨頻頒

硃批屢降讀至可惜父母生育之身可惜

君上成全之德可惜半世功名千百年人物之

諭旨即天地亦未有如此生成父母亦未有如此顧復
聖意宏深期在遠大臣感激難名銜結無既滿洲顏面
應當保全臣雖愚如草木亦當省悟伏思才幹原
由生成操守乃可自主臣感沐

皇上教訓惟有潔已勵操竭力遵行以仰答

聖恩於萬一耳謹將奉到

硃批諭旨繕摺恭繳伏祈

睿鑒謹

奏

言之易行之難凡事固由勉強而後臻於自然然勉於一時易勉於久遠難必須時時省察事事體驗見理明透立志剛堅方不被物欲所囿以致虧節失度提起一腔血性鼓動丈夫氣槩漸次自有得力處也

雍正五年十一月二十二日江安糧道

臣

葛森謹

奏為恭繳

硃批叩謝

天恩事

臣

於本年十一月十一日跪接

硃批諭旨當即望

闕叩頭謝

恩敬誦

聖訓廣大精詳無所不該伏思行不逮言即為浮辭終
不如始即為改操伏讀

恩訓勉

臣

以言之易行之難勉於一時易勉於久遠難

聖意宏深造就之心期在遠大及讀至時時省察事事

體驗見理明透立志剛堅方不被物欲所囿以致虧節失度

聖言涵蓋并包萬有矣更讀至提起一腔血性鼓動大
夫氣槩漸次自有得力處

教誨之中寓有誘掖周詳懇至反覆叮嚀天地生成父
母教育未有如此臣何人斯得蒙

恩訓屢降感激無地夙夜凜遵臣本屬至愚何能到自

然地位惟期言行相顧不使操守二字徒託空言

始終不渝勉力奉行以仰報

聖主教訓隆恩於萬一臣謹繕摺

奏謝所有奉到

硃批理合恭繳謹

奏

仰遵前諭加勉可也至於言行相符與否斷難逃朕耳目

雍正六年正月二十四日江安糧道臣葛森謹

奏為叩謝

天恩恭繳

硃批事雍正六年正月二十日

臣跪接

硃批諭旨竝

欽賜福字當即恭設香案望

闕叩頭謝

恩祇領訖伏念臣至微極賤毫無報效荷蒙

皇上不次擢用已屬逾分又蒙

告誡屢頒

宸翰寵錫

臣

何等之人叨受

格外洪恩深重至此欣忭惶悚一時交集惟有凜遵

訓旨竭盡駑駘朝夕警惕勉副

皇上日月明鑒仰答

高厚於萬一耳為此繕摺叩謝

天恩所有奉到

硃批合併恭繳謹

奏

寵錫之加固在朕躬能否永遠承受則在於爾也諸凡慎之

雍正六年十一月二十八日山西按察使臣葛森

謹

奏為恭謝

天恩叩請

陛見敬聆

聖訓事竊

臣蒙

皇上恩簡江安糧道自雍正五年四月內到任以來歷
今一載有餘涓埃未報捫心自問悚惶無措茲又
荷

聖主隆恩將

臣

陞授山西按察使聞

命自天慚懼無地伏念臬司一官為通省刑名總匯務
俾盜息民安刑清政肅始能無負

皇上任使至意若不仰懇

聖恩賜以

訓旨

臣

雖殫竭駑駘總不能免於貽誤伏乞

皇上垂念

臣

知識短淺外任未久俯容將經手錢糧交

代清楚之後星馳赴

闕叩請

聖訓庶仰體祇遵不特

臣

得免隕越而晉省官民亦共

沐

皇恩於無既矣理合繕摺

奏請仰祈

聖鑒為此謹

奏

允爾所請到京聆朕訓旨然後再赴新任

雍正七年五月初十日山西按察使

臣

葛森謹

奏為欽奉

上諭事本年五月初九日

臣

奉總督范時繹牌行准部

文內開奉

旨西安軍需錢糧著倉場侍郎劉于義山西按察使葛森前往清查核算欽此欽遵當即恭設香案望

闕叩頭謝

恩訖伏念臣一介卑微毫無知識荷蒙

皇上天恩屢次超擢有加無已每逢

命下輒自慚汗無措今復降

恩旨令臣協同倉場侍郎劉于義前往清核西安軍需

錢糧拜

命之日惶悚益深惟有敬凜遵奉竭盡駑駘以仰副

皇上任使至意但

臣

自應即刻赴

闕恭請

聖訓因有經手糧道任內倉庫錢糧除庫項業已交與
署道張暲樞查收外所有存倉稻穀五萬九千一
百餘石尚未盤量但此項穀石貯倉將及兩載不
無氣頭厰底未免略有折耗若俟署道逐一盤量
必致濡滯時日倉穀關係重大

臣

何敢忽略現在

呈請督撫委員公同監掣如有折耗照數按補臣
又將糧道任內所得收放羨餘銀兩留存道庫以
備買補折耗一俟督撫批准臣即兼程赴

闕請

訓為此繕摺奏

聞謹

奏

今差汝赴陝查核軍需錢糧斯乃大案也總以秉公得

當為要倘或徇庇寬縱以及瞻顧因循抑或深刻搜求
至於拖累無辜均屬不可汝身之見重見棄於朕即在此
舉莫負一番特恩委任莫誤半生事業功名慎為之
毋忽

雍正七年十二月十五日辦理噶斯軍需甘肅布

政使

臣葛森吏部郎中

臣鼐滿岱刑部郎中

臣福

寧謹

奏為請

旨事竊臣等奉

旨辦理噶斯軍需事務俱關動用錢糧干係甚重須以
印信為憑伏懇

皇上可否

准給關防一顆將來文移往來始有憑據俟事竣之後
恭繳禮部再臣等查得自肅州至京程途稍遠軍
需緊要若雇兼程脚騾往返甚需時日難免遲滯
臣等仰祈

聖恩嗣後奏摺可否

准於驛馬飛齎則事無遲誤而於軍需亦屬有益矣為
此繕摺請

旨伏乞

皇上睿鑒施行謹

奏

已有旨矣張廷棟亦曾奏過汝等前此請將驛頭更換
西路大兵馬匹移為噶斯軍需之用何荒唐至於此極

有如是輕重倒置之理乎另有旨諭部

雍正八年三月十七日辦理噶斯軍需甘肅布政

使臣葛森西安布政使臣張廷棟吏部郎中臣鼐

滿岱刑部郎中臣福寧謹

奏為奏

聞事竊噶斯軍需臣等一切遵照部文敬謹辦理去歲

因天寒草枯之際新買之馬恐急切不能臚壯冒

昧

奏請欲買驛頭易換大兵馱載馬匹又欲暫撥營馬

蒙

皇上訓誨諄切指示詳明臣等無任惶恐驚懼又蒙

皇上將出京之兵寬期月餘其應需馬匹臣等隨即在

於寧夏洮岷西寧并口外蒙古扎薩克各地方分

頭採買自正月二十五日起至三月十五日止照

依時價自五六兩至十一二兩不等陸續買獲正

餘馬共一千一百三十匹俱已收槽餵養臣等現

在親身不時督察加意飼餵而天氣融和計京兵
誤後試看到寧之時馬匹自可無誤至臣等冒昧陳

奏蒙

皇上不即處分

格外寬宥惟有勉竭駑駘勤慎辦理以圖仰報
不勤慎試看

高厚於萬一謹此繕摺奏

聞謹

奏

將緊要處應用馬匹而欲撥換於閒處備用汝等昧於輕重之識見可知將他人辦就之事而欲移為己益汝等徇於偏私之念慮可見一生為人居心被朕輕鄙而毫不愧悔但以未加處分為幸汝等寡廉鮮恥之胸懷更可笑矣汝等雖猶覩顏強為摺奏朕批諭之際殊覺筆毫澁滯也

雍正九年六月初四日雲南布政使臣葛森謹
奏為恭謝

天恩事雍正九年五月二十九日奉雲南巡撫牌准刑部咨為羣盜劫掠事案內因臣署江蘇布政使有盜犯沈聖文改名沈章曾為司差不能查出部議降二級調用奉

旨葛森著降二級從寬留任欽此臣隨即恭設香案望闕叩頭謝

恩訖伏念臣至愚極陋荷蒙

皇上天恩歷擢至司道於地方姦匪理宜嚴加稽察前

因署江藩任內不能稽查周密致為衙役欺蒙疎忽之罪實難辭責乃蒙

皇上高厚洪慈矜憐愚昧從寬留任跪讀

綸音感愧無地

臣本屬庸闇今調補雲南布政使將近

果能

心悅誠服愧已往之私衷慕當前之景行效法鄂

四月見督臣鄂爾泰至誠至敬公忠體

爾泰之志以立志則將來亦必為鄂爾泰一流人物矣

國教導屬員無不周詳剴切臣蒙其訓誨非但有增

若弗克內企其心而欲外企其人無是理也雖然此亦

識見抑且端固本心今蒙

看爾祖宗積德何如并爾之福量何如非矯強可及之

聖恩寬大惟有益加精勤不敢稍有疎怠竭力致身務

事

期夙夜補過仰圖報效

洪恩於萬一耳所有感激微忱理合具摺

奏謝伏乞

睿鑒謹

奏

覽

同日又

奏為奏

聞事竊查滇省地方今歲自春徂夏雨暘時若據各府屬所報豆麥收成實有十二分十分八九分不等通省高低田地徧行栽插竝蚤蕎雜糧無不茂盛近來闔省米糧價值較之往年平減漢夷歡騰軍民忭舞此皆我

皇上敬

天勤民感召所致也理合具摺奏

聞仰慰

聖懷謹

奏

覽

路途遙遠既無緊要應奏事件何必徒勞往返為塞責之舉若借此欲以挾制上司恐嚇屬員則尤屬不可誌之汝庸才也惟務實行做好官是乃良圖若勉強舞才具弄聰明非長策矣勉力效法鄂爾泰居心可也

雍正九年八月十九日雲南布政使

臣

葛森謹

奏為奏

聞事竊查烏蒙新改之昭通府自兵燹之後田地荒蕪
米價昂貴凡安插之殘黎招來之農賈俱給田地
各與籽種并於大關壩等處隙地委員採買蕎種
督率耕種以望秋收又撥米糧減價平糶接濟民
食今於七月內據昭通東川二府稟稱昭通府之
稻田壩八仙海等處并魯甸各寨以及東川巧家
等處去歲夷人種過蕎地今年並未耕種忽從舊

根發生新蕎俱甚茂盛與本年新種者無二漢夷
歡騰米價大減又六月二十八日八仙海稻田壩
等處禾苗忽生赤虫蠶食稻葉忽有飛來烏鴉將
赤虫食盡稻苗竝無傷損等語臣思蕎自天生虫
為鳥食實見所未見聞所未聞此皆我

皇上欽若之誠感召

天恩所致而臣懼忤之下愈深儆惕悚惶再滇省地方今
歲自春徂夏雨暘時若至六月間數次大雨山水

暴發以致雲南曲靖二府之昆明宜良尋甸州馬
龍州陸涼州等處所有低窪田地畧被水淹間有
倒塌牆房當即委員查勘以闔縣而論俱不及百
分之一但被水本戶偶值歉收未免缺望督臣鄂
爾泰撫臣張允隨仰體

聖主軫念民瘼之至意經委迤東道遲維璽前往將倒
塌房屋牆垣之家逐一酌賞并將被淹田地查明
數目按戶賑恤現俱得所其餘各處高下田地俱

極茂盛近來省城與各處米價較之往年甚是平減為此繕摺奏

聞謹

奏

覽

汝等司道不過奉行承辦非有專主之責似此督撫例應奏聞事件遙遙萬里差人齎摺前來不知汝具何心思也可謂愚昧率妄之至

雍正十年六月十六日雲南布政使

臣

葛森謹

奏為奏

聞事雍正十年六月初三初四等日據普洱府分防思
茅通判朱繡暨元江府知府祝宏將普思一帶苦
葱聚衆不法情形各通報到臣臣查普洱府分防
思茅所屬蠻壩河蝙蝠洞訛傳緬僧為神仙思茅
苦葱羣相拜賀遂有土把總刀興國等暗行勾結
謀為悖叛攻圍思茅城池復鼓脅夷民劫掠村寨

燒燬塘房蔓至普洱接界元江地方驚擾新平威

遠鎮沅邊界并阻截道路致攸樂為思普所隔至

今信息不通經署督臣高其倬撫臣張允隨聞報

當即會商飛調官兵於六月初四日即委護普洱

鎮副將李宗膺遊擊王先韓雯鵬等帶領官兵由

元江一路進剿又調臨元鎮總兵董芳為總統帶

領官兵於六月初九日星赴元江援應前後共調

迤東官兵三千二百名土兵四百名俱由元江一

路聽總兵董芳調遣進勦兼顧新平當又飛咨雲

南提臣蔡成貴酌派迤西兵數百名兼程先往繼

又飛咨提臣再撥迤西官兵二千名俱由景東一

路直入普洱攻勦兼顧鎮沅威遠并援思茅攸樂

在案現今大兵雲集東西兩路攻勦料此小醜不

難剋日撲滅惟是臣叨蒙

杜患未形豈汝所能殊屬大言不慚

聖恩畀以藩司重任不能杜患於未形以致兇頑悖逆

虛浮不實之語

負罪深重悚惕靡寧至軍需一切事宜查照進勦

烏東之例竭力辦理不敢稍有遲誤其運糧等項
仰體

皇上愛惜黎元至意俱給以腳價竝採買騾馬分運軍
糧以紓民力理合繕摺奏

聞伏乞

睿鑒謹

奏

覽

殊批諭旨卷一百五十四

欽定四庫全書薈要卷八十九十七

史部

硃批諭旨卷一百五十五

硃批南天祥奏摺

雍正六年六月十八日雲南開化總兵官

臣南天

祥謹

奏為奏

聞事竊

臣

欽奉

上諭統領雲南省官兵三千餘員名進藏雍正六年三

月初八日自雲省起程業經

題報在案四月初六日由劍川州出口十九日於中

甸起程俱經咨呈雲貴督臣鄂爾泰

奏報今於五月二十九日

臣

率領官兵先至察木多

等候川師初七日接

欽差駐藏副都統馬臘等告急咨報

臣

隨差員馳迎散

秩大臣鑾儀使

臣

周瑛會商速進六月十三日周

瑛到察

臣

正在揀發官兵十五日續接馬臘等咨

報內開頗拉奈統領阿里後藏各兵於本年五月
二十六日進藏頗拉奈甚恭順

聖主聽信達賴喇嘛絲毫不擾番民二十八日將殺害
康金鼐之阿爾布巴隆布奈扎納奈悉行拏獲現
在拘守俟將頗拉奈抵藏各情具

奏之日另為備咨等因仰見

皇上天威遠播番民綏靖左都御史

臣

查郎阿鑾儀使

臣周瑛到藏後自必仰遵

睿謨安頓料理

臣遵

諭旨准鑾儀使

臣

周瑛議留

臣

分領滇省官兵一千餘

員名駐察遙為掎角以壯聲援除另疏

題報外所有頗拉奈擒獲阿爾布巴隆布奈扎納奈

情由理合繕摺奏

聞謹

奏

覽奏知道了駐兵外地極力約束官兵申明紀律令遠

近番夷畏威懷德方為不負朕之委任切勿因見小利
有失大體致貽笑於人也勉之

雍正八年七月二十五日雲南鶴麗總兵官

臣南

天祥謹

奏為遠隔

天庭日久微臣孺慕時殷恭請

陞見以抒蟻悃以聆

聖訓事竊臣一介庸材毫無知識荷蒙

皇上格外殊恩於雍正三年由廣羅協副將得覲

天顏旋蒙擢授開化總兵才疎任大蚊負難勝當擬恭

請

陞見冀得跪聆

聖訓因其時甫離

闕廷且值清理交界未敢遽請嗣於雍正六年領兵進

藏仰仗

天威睿算藏域平寧旋師之日本擬奏請復覲

天顏乃荷

聖恩調補鶴麗鎮總兵官是大兵雖撤而邊備宜嚴臣
屬維西等處俱係新設營制正需料理因又不敢
冒昧籲請茲我

皇上德威遐播萬國咸寧兼督臣鄂爾泰體
國公忠漢夷傾心向化臣計

陞辭至今業已六載依戀之私刻難自己仰祈
皇上俯鑒愚忱

恩允入

見俾得面請

聖訓庶有遵循以重封疆而螻蟻下悃亦可少抒萬一
矣為此繕摺奏

聞伏乞

睿鑒施行謹

奏

不必入見但能勉盡職守勝如跋涉萬里程途也

雍正十年九月初九日江南提督臣南天祥謹

奏為奏

聞事竊臣才識淺陋叨荷

聖恩簡畀江南提督任大責重受事以來夙夜兢惕惟期勉竭駑駘以圖報效涓埃茲因蘇松一帶沿海地方於雍正十年七月十六十七兩日颶風大作海潮漲溢傍海居民以及汛防兵丁未免被水遭溺臣於本年八月到任後星即差員逐細覆查與

各該營汛官弁稟報相符其被水窮黎業經署督
臣尹繼善署撫臣喬世臣仰體

聖心亟為賑恤今現在委員分頭散給錢米其受傷兵
丁家口亦量加給發一次所有賑恤事宜應聽署
督撫臣條析具奏至被水各處所城牆城樓墩臺
營房坍塌甚衆軍火甲械馬匹戰艦等項亦多有
漂失臣俱經咨商署督撫臣作速籌酌修整製補
而各該汛防營房衝沒兵丁露處者尤為緊切且

間有溺故兵丁家口無所依倚者益堪憫惻據各營官弁紛紛申請前來臣再四籌畫查得臣標有皇恩賞借營運生息銀一萬八千兩經前提臣議交典商以一分生息計自雍正九年五月起至雍正十年六月止共生息銀二千七百八十六兩零未經動支竊思此項息銀原係

皇上浩蕩洪仁賞給兵丁吉凶等事之用非可於別項通移但事有緩急或可權宜當此天氣漸寒不惟

溺故兵丁之家口室廬蕩然待援甚迫即凡沿海
汛兵棲止無所者若待營房蓋就勢必日久病生
抑且巡防疎懈所關匪細臣愚冒昧擬於前項息
銀內權行動那分別酌給臣標被水營分其本兵
及家口俱無傷而房屋衝毀者每名銀五錢其本
兵雖存而家口淹沒房屋漂失者每名銀一兩俱
令搭蓋茅棚以免露處以重汛防再本兵溺故家
口僅存房屋復經漂毀者每名銀二兩使皆得所

棲息并以資其生計以上三項共應動支息銀約計九百餘兩臣一面咨明署督撫臣一面檄行各該營汛官弁具領按給造冊呈送存案事關通那理合陳

奏仰懇

天恩俯允賞給則營汛兵丁叨沐

皇仁無不淪肌浹髓矣再有請者崇明狼山兩鎮標營各有營運生息銀兩如臣標那給兵丁銀兩得蒙

俞允則兩鎮沿江沿海被水兵丁亦應一例分別邀恩臣謹具摺奏

聞伏乞

皇上睿鑒施行謹

奏

此項銀兩原備賞賚兵丁之用今酌緩濟急通融動那在汝與督臣商酌為之耳

雍正十一年正月二十日江南提督臣南天祥謹

奏為陳奏事竊照軍中利器烏鎗為先則所需火藥
最關緊要按江省各標協營烏鎗現動公糧改造
將次整齊畫一而火藥一項查下江各營除逐年
製備以供操演外其間有稍為存貯者有全無存
剩者更如崇明鎮標沿海各營因上年七月間海
潮泛溢將舊日所存悉行衝失是江省營伍事宜
莫有急於製備火藥者矣仰惟

聖明睿慮周詳無微不至先經督撫提鎮諸臣於遵

旨議奏事案內會同酌議除上江各營舊有存貯火藥
未經撥動無庸添造外擬以督標中左二營及江
寧城守營蘇撫標左右二營及蘇州城守營京口
水師標左右二營及鎮江營為省會海疆重地應
備火藥五年其漕標河標臣標與崇明狼山兩鎮
標暨各協營凡屬沿江沿海者俱為扼要之區然
地多潮濕恐易黴黥應備火藥三年再內地偏僻
處所如溧陽平望常州中左右三軍及孟河靖江

泰州泰興等營止擬量加添造以上各項火藥除
存貯數目抵補外實應添造火藥一十四萬九千
四百七十七斤零俱擬動支司庫存公銀兩採辦
製備業於雍正九年二月內分析條款咨覆內部
在案尚未奉文准行臣覆加查核所見相符但上
年被潮各營據報漂失存貯火藥共計三萬二千
六百四十餘斤更須並行補造以足前項擬定之
額至每年操演所需或係捐備或取辦於公款仍

照舊例遵行不與儲備火藥一體動項製造也惟是儲備之數有五年三年不等則需用硝磺甚多一時不能齊辦臣請於沿江沿海各營先行製備其餘亦酌量次第竣事庶軍實無不充裕營伍大有裨益矣臣以遵

旨議奏事件不容久稽謹冒昧

奏請倘蒙

俞允伏乞

皇上敕下署督臣魏廷珍蘇撫臣喬世臣速行會同酌核動項採辦設局興造照數存貯其委員經管造冊報部以及將每年操演火藥與儲備火藥遞行出陳易新等事宜一併條析辦理以免日久滋弊為此繕摺奏

聞仰祈

睿鑒施行謹

奏

火藥最關緊要應照此議辦理所奏是

聞松江一帶被災百姓因該管各官撫恤不周有嗷嗷待哺者何以不行奏聞汝意若以為除營伍之外地方事務於已毫無干涉則大負朕之委任矣

雍正十一年三月初九日江南提督臣南天祥謹

奏為奏明事竊臣於本年正月間為江省製備火藥一事恭摺具

奏欽奉

硃批諭旨臣跪讀之下惶悚戰栗感激涕零伏念事關

民瘼臣叨任封疆不即上

聞是臣昏昧無識罪實難逭乃邀

聖慈寬宥不加譴責

特示訓誡

聖恩實同覆載臣心倍凜冰淵茲有不敢不據實陳明

者上年江南濱海地方偶被風潮又華亭等縣田

禾受傷秋成歉薄俱經督撫臣陸續

題報節奉

諭旨蠲租散賑大沛

恩膏務使窮黎各得資生不致或有失所

皇仁浩蕩誠為千古難逢凡屬臣工敢不實力奉行臣
從前訪聞查賑乏食貧民頗有遺漏之處當即將
閭閻困苦情形咨明督撫臣速為推廣

皇仁續又懇切寄信通知繼接蘇撫臣喬世臣回書云
已無遺漏臣思撫臣仰體

皇上好生之德念切痼瘵自必會同署督臣逐戶清查
確實但使辦理得宜臣愚不敢攙越迨臣查閱沿
海一帶乃見賑恤未徧誠如

聖諭有嗷嗷待哺之民幸蒙

皇上聖明無微不至復

命加賑四十日竝頒

特旨嚴飭竭力稽查

湛恩汪濊載道歡呼臣現在細加訪察如此番補賑有

司仍不實力奉行臣當星即奏

聞斷不敢稍有容隱以致上負

天恩自罹重罪也臣恭繹

殊諭深切悔懼謹冒昧繕摺

奏明伏乞

皇上睿鑒矜原謹

奏

覽奏內叨任封疆之語朕實代汝愧之

同日又

奏為陳奏事竊照江省軍務無處不關緊要而沿海一帶尤須加謹嚴密臣自莅任以來檢閱卷宗有每年以臣標中左右前後五營官兵輪流貼防上海吳淞一團漕涇黃浦等汛一案相沿已久歷任提臣徒具空文按期報部臣於本年正月二十九日起程巡閱沿海各營官兵即以相度形勢機宜歷觀沿海營制如金山柘林青村南匯川沙上海

黃浦吳淞劉河福山等汛星羅碁布固已至嚴且
密然從前之貼防上海吳淞等五汛者本非無因
查康熙八年間副都統查哈泰等於遵

旨會閱沿海等事案內

題准以臣標左右前後四營遊擊輪流帶領官兵五
百三員名貼防上海一汛守備輪流帶領官兵五
百三員名貼防吳淞一汛此因當時營制未周原
設官兵不敷防範耳再查康熙十五年經前任提

臣楊捷於浙境寇踪狂逞等事案內

題請一團漕涇二處亦以臣標四營遊擊輪流各帶

領官兵五百三員名前赴貼防又令中營守備帶
兵三百名赴黃浦江貼防此因當時海匪竊發江
省不得不預為防範皆非永遠定制是以所議貼
防各汛竝未建有官署營房也歷今數十年來法
制周備海不揚波臣於親歷查閱之次復加籌畫
除上海一汛業經前督臣常鼐於康熙五十七年

間

題准將臣標右營官兵移駐彈壓至吳淞一汛外控
大洋最為險要海口雖於康熙五十三年間添兵
一百餘名設繒船四隻將備輪班出洋巡哨并於
海口設立礮臺與川沙營礮臺對峙俱撥兵嚴防
制度可謂詳備矣然通計該營額設兵丁九百二
十八名除隨丁公糧及分派墩汛之外每年春秋
二哨該營將備輪班帶領官兵一百二十五員名

出洋巡查則存城防守之兵似覺稍單查吳淞口

內即與黃浦水師營接壤

臣

請嗣後當該將備哨

巡之時就近令黃浦營都司帶兵一百名坐駕沙

船前赴該汛協力巡防俟該將備哨巡事竣仍行

撤回原汛實為有益再黃浦營改設都司仍駐上

海縣城上海既移右營重兵彈壓則水陸汛巡在

在嚴密而黃浦一營官兵儘敷調度防禦矣又一

團係南匯營專汛漕涇乃柘林營專汛二處濱海

之區俱係沙塗潮長則隱潮退即現從來海艘不能停泊可無外虞查南匯營於雍正五年經前提

臣魏經國

奏請添兵一百名已數防範惟柘林營額兵止有一百八十一名未經酌添臣閱漕涇一汛商賈湊集匪類易滋派守之兵甚少請於臣標中左前後四營內抽兵六十名撥入該營專防而向時漕涇貼防與吳淞黃浦一團等汛貼防之處本無實事俱

請停其報部至沿海一帶地方臣仍不時飭令標營將弁帶兵巡哨即有策應不難立時調遣也事
關沿海軍務理合據實陳

奏倘蒙

俞允臣當會同督撫臣另疏具

題請

旨再照通省各營旗幟甲械鎗礮藤牌等項蒙

皇恩賞給公糧修製隨經前署督臣尹繼善檄令舉行

臣復屢檄飭遵自當次第辦理但公糧必須陸續
存留若逐漸動支未免先後需時似難整齊畫一
臣擬將各項分析估計酌借司庫存公銀兩一齊
補造興修庶可按期告竣其酌借之項仍以公糧
照數扣還則一轉移間事覺易辦是否允協恭候
諭旨遵行為此繕摺奏
聞伏乞

皇上睿鑒謹

奏

俟高其倬回任後與之商酌妥確具奏以聞

雍正十一年四月二十二日江南提督臣南天祥

謹

奏為奏

聞請

旨事竊臣凜遵

訓諭於地方民情悉心體察所有蘇松等處沿江沿海

窮黎蒙

皇上洪仁疊沛復行加賑四十日毋許更有遺漏臣訪聞各該有司俱經續查補賑

九重雨露悉已優渥霑足矣但其間戶口浩繁且多室盧漂失是以四散乞食者未能盡免幸蒙

聖恩興築海塘羣趨就役得遂資生莫非

膏澤之所被惟是老弱疲癯以及相隔路遠者不能悉赴工所隨有有力之紳士商民頂戴

皇仁互相感動自二月杪至四月初各就近地陸續捐
貲煮粥施賑即如松江郡城男婦老幼就食者日
有五六千人訪知蘇州郡城亦然近以施粥不繼
復經地方官稍給錢文著令各歸本處雖已逐漸
出城猶未皆得其所目下二麥將登羣黎有賴然
被災之民未經種植者仍艱於食將來無力耕作
必致拋荒田畝臣愚伏念一方偶被災傷即厓
聖主宵旰殷憂蠲賑錢糧動以累百萬計

深恩厚澤已極無加顧

上之施仁既溥下之好義自興觀前此不賞而能勸使
加之鼓勵必更踴躍樂輸臣管窺鄙見仰祈

皇上天恩敕部定議凡江省上年被災處所無論紳民
人等有願捐銀米就近資給貧民使不廢農業者
照捐數之多寡分別賞予議叙即為數少者亦准
給嘉獎字匾仍著督撫臣飭令有司稽查按給分
晰造報不得勉強抑勒俟秋成之日即行停止如

此則窮黎蒙

福富室邀

榮東作無荒豐亨預卜皆出

皇上生成之賜矣臣更有請者上年江蘇被災各州縣
衛所有應徵新舊錢糧緩至麥熟後開徵

皇恩已極浩蕩但查蘇松沿海一帶地本低窪產麥無
幾況當被災之後播種尤少今雖豐收僅能稍濟
農食若以措辦正供民力尚覺未紓仰懇

聖慈恩施格外俯賜緩至稻熟開徵則黎庶益感
高深定必輸將恐後事關民隱臣不揣冒昧據實

奏請是否有當伏候

聖裁再臣訪得三月十五日青浦縣饑民闕聚縣堂呼
籲求賑蓋緣縣令因公赴蘇散賑愆期所致非盡
遺漏使然又金山縣於三月二十三日有鄉民數

百人乘縣令公出赴

龍亭叩求賑濟類此刀風豈可令其滋長正汝等武臣協助彈壓之責蓋以里書造報不公且因有司奉行查

若以為有司之事膜外視之以及授意兵弁懲懣使然
賑未免區別愚民無知大半妄冀邀
則尤為不肖之居心也地方文武不和斯等作用時或
恩亦非悉屬遺漏當經兩汛將弁各會同在城文員撫
有焉當深以為戒
諭查拏旋即解散去訖理合一併陳明伏乞

皇上睿鑒施行謹

奏

覽

雍正十一年七月十三日江南提督臣南天祥謹

奏為

聖主德婉生成微臣情殷瞻戀恭請

陞見敬聆

睿訓以裨職守以慰下忱事竊臣邊鄙庸材至微極陋
遭逢

盛世得備戎行歷任滇南涓埃未報沐

恩寵而悚惶望

彤廷而踴躍伏念臣在廣羅協副將任內曾經督臣保

舉送部引

見於雍正三年二月內兩觀

天顏仰邀

隆眷旋蒙擢授開化鎮總兵官率師進藏事竣回日復

蒙

聖恩調補鶴麗鎮總兵官當經具摺恭請

陞見未蒙

俞允依戀之忱日以益切今荷

聖恩高厚簡畀江南提督視事將及一載雖夙夜兢兢

罔敢或懈然海疆重寄地廣務繁臣才識疎淺恐難免於隕越是必仰藉

聖謨指示方略俾臣臣知所遵奉或可勉圖報效伏祈

皇上俯念微誠

允臣陞見臣即輕騎減從星馳赴

闕庶職守所寄凜遵

睿訓之精詳犬馬下忱用慰多年之瞻戀矣為此繕摺

奏請伏乞

睿鑒施行謹

奏

赴闕之請候旨遵行今且不必

同日又

奏為敬陳管見仰祈

睿鑒事竊臣東質庸愚受

恩深重凡一切職分應行事宜無不勉竭駑力剔釐整

頓以期仰報

高厚於萬一茲有事關營伍利弊理合恭請

聖訓永著為例者臣不揣愚陋敬為

皇上陳之

一江省買馬之宜畫一以杜偏累也伏查江省非
產馬之地向例照原定每匹十四兩與十三兩八
錢之價支領司扣朋銀每年一次核定數目請部
給單委員赴口買補計每匹價費與定額不相上
下法甚善也但惟將軍督撫等標及臣標沿海各

營為然外蘇狼兩鎮標尚或另請購買其餘各協

營竝無赴口買馬之例亦不附各標營帶買或就

當地購覓或從行販轉買以致每匹價值多至二

十一二兩與二十三兩不等所領司庫朋銀不

敷所用不得不聽各兵自行捐補是同一江省買

馬事不畫一遂有偏累之處而不肖營員且有通

同行販於中取利者矣

臣察知此弊除令附近

臣

標營分應補馬匹俱附

臣

標照數帶買外其餘上

下江各協營向不赴口買馬者仰請

敕下將軍督撫鎮臣等無論親轄外轄俱准附帶朋銀赴口買馬回日按數分給補額庶兵丁得免捐賠之累而將弁亦無滋弊之端於營伍實有裨益者也

一買補營馬之宜調劑以免私朋也竊照各省營馬每年照額報倒俱因地制宜定有成數或遇倒斃過多之年額領朋銀不敷買補兵丁互相私朋

此雖出自各兵情願竝非抑勒然仰體

皇上惠恤戎行之至意所當亟為調劑者也臣思武職
養廉蒙

聖恩照品級之大小賞給隨糧使得馬步兼支各數其
數且自備例馬亦得照支草乾銀兩則凡隨丁馬
匹即有倒斃自應捐貲買補而以額領司庫朋銀
留充營伍買馬不敷之用方為潔已愛兵之道雖
向來操守廉潔之員未必領支入已然不著為令

其間容有藉口營私者矣臣查江南地土潮濕倒馬尤多兵丁私朋向所不免為之悉心調劑惟有將隨糧倒馬額領朋銀通融辦理前據臣標中軍參將循例將臣蒞任後應報隨糧倒馬補額朋銀呈繳臣以率屬必先正己當即明白曉諭飭發存貯充公但未經請

旨不敢擅便檄行仰懇

聖明恩准嗣後無論大小武職隨糧倒馬俱令自行捐

賫買補仍將每年額領司庫朋銀照數扣存各該
中軍衙門以補營伍買馬不敷之用庶官弁無或
利己兵丁得免私朋并祈

敕部通行直隸各省營分一體遵行則

皇仁公普而軍政畫一矣

以上二條臣管窺之見冒昧陳

奏是否可採伏乞

皇上睿鑒施行謹

奏

高其倬身為總督節制通省於斯等處不悉心籌辦據情奏請所司何事將此二條言之於伊可也倘或推委因循朦混卸責密奏以聞

聞喬世臣甚不勝任據汝以為何等撫臣秉公陳奏凡朕所問少有不密非汝之福見理須透慎之毋忽

雍正十一年九月初四日江南提督臣南天祥謹

奏為陳奏事竊照營汛之設原以弭盜安民江省水

陸營汛會哨遊巡在在嚴緊而盜不斂跡失事屢
報者良以鼓勵之道尚有未至也臣自抵任以來
屢行嚴飭申誡立法勸懲在各汛員豈其不惜功
名甘自罹於叅處但以孤村僻壤未免遠隔墩臺
則巡防或有不周曲港支河不能盡行阻截則追
捕必多遺漏臣愚以為欲清盜劫之案件必設專
司巡捕之官兵而欲設專司巡捕之官兵須定不
次超擢之賞格如臣標中左右前後五營除移駐

上海及各營派撥汛守巡鹽外其餘存城官兵儘

數調遣臣請遴選精幹千把外委數員各挑帶強

壯兵丁數名專任捕盜之責酌量分派於沿海各

路凡孤村僻壤曲港支河以及水陸要衝墩汛隔

遠處所徧行巡緝每報獲盜一起弁員記功酌賞

兵丁量加賞拔積至獲盜三起千把即以應陞之

缺請補外委准其實授兵丁能節次首先獲盜者

准拔外委把總倘有怠玩從事無益地方甚至誣

良為盜越分滋事等弊即將該弁分別責革治罪
兵丁一併究處再照將軍標綠旗官兵以及督撫
河漕鎮臣等標與協路各營存城官兵俱數調遣
之用竝請

敕部知照一體酌派分頭專司巡捕其獲盜立賞之處
亦俱畫一以示鼓勵則各弁兵志圖進取當必奮
勉効力而江省盜案自可漸少矣臣不揣愚陋為
營伍地方起見繕摺陳

奏是否有當伏乞

皇上訓示遵行謹

奏

將軍等各標分頭巡捕之說聽之似屬可行行之未必
無疑何則恐致騷擾地方害多利少非有益之舉也

同日又

奏為奏明事竊臣既陳請專司捕盜官兵務須立賞
以昭鼓勵臣復酌籌賞賚之需必有所取給方可

永遠循行查臣標各營別無存公款項可以動用
惟松城行銷鹽引責成營員經管除照繳課本之
外稍獲餘利留充租房盤駁之費以及官兵緝私
承辦之賞係前浙督臣李衛兼理鹽務設立此法
於雍正六年間

奏請准行在案但當浙督臣經始時未能預定每年
銷引之多寡今行之數年案查前項行鹽餘利除
租房盤駁各費外每年約可得銀一千二三百兩

與一千四百兩不等用以分賞緝私承辦人員
原為杜梟販裕引課起見然臣查其間容有無功
倖邀者恩覺稍濫且營中公務如捕盜一項最關
緊要而賞獨不及惠亦不均臣請嗣後每年松城
行銷鹽引所獲前項餘利分作二股一股仍充緝
私承辦之賞一股即作臣標各營官兵巡獲盜賊
之賞總貯臣中軍衙門照款動用每季分晰冊報
查核如此則事可經久且恩不濫而惠適均無非

鼓勵營伍竭力奉公之道也事關通融給賞理合繕摺

奏明請

旨伏乞

皇上睿鑒謹

奏

此奏似屬可行與兩省督臣密商為之毋得預先張揚以市惠於已

雍正十二年正月二十二日江南提督臣南天祥

謹

奏為敬陳管見仰祈

聖訓事竊臣標中左右前後五營及城守一營每營額設兵丁七百六十七名不等其中有馬兵一百六十名及一百六十一名者計六營馬兵共九百六十三名通較額定兵數逾於十分之二蓋臣標係援勦策應之師或遇調遣馬兵誠不可少然以松

屬地當濱海支河汊港小橋曲徑大半不通馬路
且土氣潮濕較別府為甚一遇炎暑濕熱熏蒸馬
匹最易倒斃每年出口買補為數獨多是臣標各
營多設馬餉不惟無裨海疆抑且徒糜

國帑欽惟

聖恩寬大凡有益於地方兵民者雖多費帑金亦所不
惜臣仰體

宸衷不敢妄議節省若臣標各營馬匹酌地之宜實應

量加裁減况營中利器鎗礮為先而於沿海要地尤屬相宜臣愚擬將臣標中左右前後五營及城守一營馬兵各裁去五十名共計三百名俱改作鎗手步餉俟陸續開除充補則各營鎗兵既額外增多臣益督飭將弁時勤操練務使技藝悉歸精熟庶於海疆良有裨益臣管窺之見冒昧陳請倘蒙

俞允臣當會同督撫臣另疏具

題為此繕摺奏

聞伏乞

皇上睿鑒施行謹

奏

更改兵制當與督臣詳酌題請於撫臣無涉之事也

硃批諭旨卷一百五十五



總校官庶吉士臣侍朝

校對官編修臣方煒

謄錄監生臣蔣予林

欽定四庫全書叢要

史部

硃批諭旨卷一百五十六

七


詳校官編修臣繆晉

欽定四庫全書薈要卷八千九十八

史部

硃批諭旨卷一百五十六

硃批治大雄奏摺


雍正十年正月二十八日署理湖北彝陵鎮總兵
官臣治大雄謹

奏為敬陳管見仰祈

睿鑒事竊臣一介武夫荷蒙

皇上天恩由千把末弁拔置副將今復叨沐

皇恩命署彝陵總兵官印務臣感激涕零報稱實難惟
有夙夜兢惕勉竭駑駘於營伍少有裨益之事不
揣冒昧為我

皇上陳之

一兵餉兩季兼發似宜為變通也伏查彝陵一鎮
距省千有餘里而請領兵餉俱遵照部議兩季兼
發之例於季首具領請支回營存貯州縣庫內按
月給散是在請餉員并無往返道路之煩而存營

兵丁亦免守候時日之苦法至善也臣查兩季兼

發多係春夏一請秋冬一請其間似宜稍為更易

臣以一歲之內如秋冬二季於季首具領赴司庫

請支至期即可前往不致遲滯延緩毋庸置議外

惟請春夏二季兵餉季首正值封印必須開印後

方可具領差員赴司庫請支再加往返月餘而領

餉到營之日已屆仲春之後兵丁自年前十二月

初旬領一月之餉又值度歲迎年需用較諸平日

倍多所關月餉自無餘剩若候至仲春後餉到始得關領則正二兩月之用度難免賒借之累臣仰體

皇上軫恤兵丁至意懇請將嗣後臣標兵餉春夏二季改作夏秋一請秋冬二季改作冬春一請則兵丁各得按月需

恩不致守候開印曠日持久且與兩季兼發之例相符一轉移間而戎行卒伍均沐

皇仁無既矣

一支放兵米之宜為更易也查臣標五營兵丁內除左後二營右營半營駐防興山歸州巴東長陽等州縣緣山路崎嶇輓運維艱向例四季俱支折色銀兩兵丁各於彼地就便買備毋庸另議外其駐劄夔陵州城之中前二營右營半營向例春夏秋冬四季支領折色銀兩夏秋二季支領本色米石臣愚以春夏為東作方殷之時青黃正爾不接市糴

米價較秋收之後未免稍增秋冬則百穀登場農

有餘粟市糴米價較之春夏不甚高昂臣請將嗣

後臣標中前二營右營半營兵丁春冬二季之折

色銀兩改作秋冬二季關領當農人收穫之始可

以出其所有以易所無兵丁所領折色足以償米

價而有餘夏秋二季之本色米石改作春夏二季

支放臣查夔陵州倉廩米石俱係先一年附近州

縣撥運存貯預備次年給散兵丁既已久經貯倉

又不俟臨時輓運且際此青黃不接之時兵丁赴倉支領而市集之米石止共民糴兵丁不復赴市爭相交易米價自致平減一移易間而於兵民俱有裨益矣

以上二條臣妄抒芻蕘之見冒瀆

宸聽如可採擇伏乞

皇上敕下湖北督撫轉飭布政司糧道遵奉施行為此

謹

奏

覽所奏二條甚與情理相合言之督撫酌行可也

同日又

奏為據實奏明仰祈

睿鑒事竊臣於到任後即留心訪察所屬地方土俗民風蒙我

皇上教養生成兵民安輯即附近土司亦皆恪守法紀均沐

聖世太平之福至於營伍事宜臣莫不徹底清查今查得臣標五營額設馬步戰守兵丁二千九百一十

八名內每營存貯公費守糧一十一名共公費守

糧五十五名存貯中軍衙門為營中製造旗幟火

藥並修理衙署以及提塘工食一切公事使用又

查有淮鹽商人經兩淮鹽臣檄委在於夔陵地方

設立關卡盤查興販川私鹽斤奉文每月輪撥水

師營兵丁協同鹽卡巡役在夔河上下巡查以杜

越境私販是以商人每歲在總兵官衙門餽送規
禮銀六百兩臣到夔之日據總兵臣杜森言及此
項曾經

奏明蒙

皇上天恩賞給總兵官衙門應用今杜森於雍正九年
九月起程赴川之時除將雍正九年分一年規禮
銀六百兩收受外又將壬子年規禮銀在商人處
支去三百兩合併

奏明嗣後應否仍准總兵臣杜森支受伏乞

皇上睿鑒施行謹

奏

因杜森將透支一半之處奏明請旨故許伊收受此次也嗣後應歸於爾杜森何有再支之理

同日又

奏為奏明事竊臣標五營兵丁荷蒙

皇上殊恩賞給銀一萬二千兩營運生息以濟伊等吉

凶支領之用此誠我

皇上軫念兵艱體恤周至從來未有之

曠典也前經總兵臣杜森

題請在於彞陵州城開張典舖二分取息以一年之
後生息有餘惠濟兵丁臣到任後備查典舖情形
檢閱典內賬務自雍正九年三月十五日開張典
舖起至九月臣到任止當出本銀甚屬有限查其
由來蓋彞陵地處山陬非比衝繁都會之區人烟

輻輳是以質當之家無幾而

帑本不甚流通也總兵臣杜森因此項銀兩乃

皇上特沛洪仁加惠兵丁俾得早霑

聖澤因令兵丁中有事需費無出者田房印契亦准其
質當暫通緩急以二十箇月滿限議定每月陸續
贖取臣思此舉不過以

帑本壅滯特為變通以冀成效也臣以兵丁一月所
領之餉僅可敷其家計除納還典鋪本利一半又

無餘剩兵丁終屬艱難且兵丁之房多係草屋甚

至一張印契當至十數兩之多更恐兵丁到手任

應行禁止是當之極

意花費究無裨益

臣

急令停止照常貨物質當公

平交易及至年底逐次查核委係夔陵地僻人稀

質當甚少是以自三月十五計至十二月底九箇

月止當出本銀九千一百一十二兩零內陸續取

贖者五千一十五兩零僅獲利銀三百一十九兩

零實在存架未取贖之本銀四千九十六兩零約

估有利銀二百七十七兩零而典內催倩商人各
項執事人等所需工食及租佃民房紙張筆墨等
費每年共計銀四百九兩零夫以開典九月之期
所獲三百一十九兩之利息止足敷商人等九月
工食之需又將何項為積蓄接濟兵丁之資一年
後若行惠濟或恐難以措辦臣籌畫再三爰集標
營將備妥商典內僱覓人役過多需用未免浩繁
酌其中可以減者減一人即減一人之費除董理

總商執事人等毋庸議減外其餘無關緊要徒滋浮費之人概行裁去以節繁冗再總商人等及所租房屋開典之始原議工價飯食銀兩為數過多臣亦於原議數內酌量裁減俾令養贍優裕該總商等俱各欣感踴躍從事如此措置一年工食等項止需銀二百三十六兩零較前可以節省銀一百七十餘兩漸次積蓄不致仍前浮費兼之日久質當與贖取者源源接續則

帑本既可流通利息益溥永遠接濟庶無告匱之虞
矣為此繕摺

奏明伏乞

皇上睿鑒施行謹

奏

浮費減則積蓄自多辦理殊屬可嘉

雍正十年五月初二日湖北夔陵鎮總兵官臣冶

大雄謹

奏為恭報地方雨水二麥收成數事竊臣駐劄夔陵州城及分防歸州興山巴東長陽並兼轄之遠安當陽宜都枝江松滋恩施十一州縣查上年入冬後雨雪時降土膏賴以滋潤億兆歡騰預慶年豐今自春入夏夔陵州地方雨澤調勻田苗暢茂其分防兼轄之各州縣行據各將備查報雨水霑足前來臣復專委千把員弁分路前往細心踏勘會同各地方官確查呈覆去後茲據回報該州縣

地方雨水俱各及時普遍高下均獲霑足二麥現
在刈獲收成約有五六分以及七八九分不等其
禾稻雜糧已皆播種民人盡力隴畝四境安堵等
情到臣臣仰體

皇上宵旰憂勤至意謹將臣屬所轄十一州縣地方雨
水霑足二麥收成分數逐一據實分晰另單恭呈
御覽伏乞

睿鑒施行謹

奏

雨水情形并麥收分數以手加額覽焉

同日又

奏為據實奏

聞仰祈

睿鑒事竊臣叨沐

皇恩隆逾常格自愧知識短淺報稱無能惟期殫心竭力無隱無欺於營伍勤加整頓凡陋弊嚴行釐剔

竭盡犬馬勉供職守不敢因循偷安有負

聖恩委任本年四月十八日接閱邸報續承准湖廣督

臣邁柱照會到臣臣伏讀

上諭仰見我

皇上加意戎行

訓勉備至

聖明燭照無遺

洞悉楚省積習臣慚恐交集實無地可容何敢不披瀝

陳情致罹罪譴也臣於上年抵任後即點閱兵馬
見其鎗礮騎射陣勢隊伍均欠嫺熟臣隨躬率將
弁勤加操練竭力整飭並行調所屬各營千把隊
目來夔學習操演之法回營按式畫一操演務底
純熟邇來騎射鎗礮陣勢隊伍較前漸覺改觀將
弁隊目人等亦知奮勉其有老弱者臣仰體
皇上養士卒期於有用之至意曷敢以

朝廷帑金任其虛糜但各營中老弱兵丁一時概行裁

退壯健之人驟難招選足額臣不時親加檢驗量

其技藝精力堪以充伍者准令操防實屬不堪留

伍者另行召募務期營伍充實以收實效至於臣

標所屬額數兵丁臣到任首先查點除遵定例每

制兵一百名存留二名為營中公事使用外一一

搜剔如總兵衙門之紙劄向於公費銀兩內幫補

臣查營中公費製辦軍裝旗幟以及各項使用浩

繁且總兵之紙紅銀兩一年儘可敷用臣當即禁

草毋許仍前浮濫至遊守等官亦各有紙劄守糧
一名又中軍衙門有左右前後四營各幫貼紙劄
守糧一名臣以各官均有紙紅之項足以應用亦
飭令悉行革除募補並戒以再犯必懲又經承書
識人等亦有加餉守糧一名者共有守糧數名雖
現在各有人頂充而人材技藝均屬平常不堪造
就臣亦痛飭革退毋庸濫充隨募壯丁一一補額
凡此積弊臣到任已盡革除茲蒙

諭旨訓飭臣是以不揣冒昧將臣抵任以來所兢業辦理之事逐一繕摺據實奏

聞伏乞

皇上睿鑒施行謹

奏

果如是整飭剔除營伍自應改觀勉為之

雍正十一年四月二十六日湖北夔陵鎮總兵官

臣冶大雄謹

奏為微臣親歷查勘敬陳營汛事宜事竊查臣屬所轄八營分防二州九縣地方遼濶營汛星列散處必須親往稽查較閱點驗分別勸懲庶將備弁兵知所奮勵緣雍正九年九月內臣到任後即值料理赴陝兵丁之事未得親往巡查迨至雍正十年春夏二季督臣邁柱前提臣岳超龍仰體

皇上整飭營伍之盛心先後差員馳詣各營操練兵丁點驗馬匹軍裝器械臣又未便親往巡查至十月

內臣即呈明督臣邁柱並咨署提臣張正興於本月十九日輕騎減從自彛陵起程由歸州巴東恩施興山以及長陽宜都枝江松滋遠安當陽等州縣逐一查勘汛防俱皆嚴密點驗軍火甲械亦各齊全操演弓箭鳥鎗藤牌剗刀水陸陣勢有純熟者有如法可觀者臣即酌定等次分別勸賞以示鼓勵仍嚴飭各營官弁加意操演毋得懈怠忽聽候不時抽調驗試必須精益求精以成勁旅使壁壘

改觀營伍生色仰報

皇上教養隆恩於萬一所有微臣查勘各營汛操防緣
由理合繕摺具

奏伏乞

皇上睿鑒施行謹

奏

實力查勘盡心訓練朕自有照鑒

雍正十一年八月二十六日湖北夔陵鎮總兵官

臣 冶大雄謹

奏為敬陳管見仰祈

睿鑒事竊查雍正九年奉派湖北省兵丁二千名赴陝
駐防內派臣標八營馬步戰守兵丁三百九十名
起程之時莫不奮興踴躍歡忻就道今自陝出口
一載有餘其中間有陣亡病故者而糧餉以文到
之日住支其家口養贍似宜仰體

皇仁急為籌畫者也 臣因思

恩濟銀兩乃

皇上軫恤兵丁之至意祇緣彝陵鎮城地處偏隅開典
營運需本不多息銀無幾至今尚未開賞約至雍
正甲寅年春季方可

題請惠濟惟是軍營陣亡病故兵丁骸骨有雇人送
回者有尚未送回者其送回之家有父兄子弟在
營食糧者猶可多方設湊先給雇人脚力後作掩
埋之費其無父兄子弟或子侄幼小及並無子息

者不但雇人之脚力無出而掩埋亦難措辦臣查
彙陵典內除逐年各項應用外現存利銀一千餘
兩開濟之期轉瞬即屆伏懇

聖恩移緩就急先於彙典息銀內將陣亡病故兵丁骸
骨到營之家每家給銀六兩令作掩埋之費以廣
皇仁再查臣標陣亡兵丁三名一名姚騰龍現有叔兄
在營食糧足資養贍毋庸計慮其一名王允芳父
母年老有妻室子尚幼穉又一名陳芳有妻室並

無子息此二丁之家糧餉既已住支實屬嗷嗷孤
苦目擊情形深為可憫臣愚以為陣亡兵丁二名
家口無靠者即於彙典息銀內每家每月給銀一
兩以作二丁家口養贍之資其有弟男子姪在營
食糧衣食有靠及軍營病故者不在此例所給銀
兩即入於臣標惠濟冊內年底報銷俟陣亡兵丁
領到

卹賞養贍有資之時即行停止一轉移間則死者銜

結無涯而生者感激思奮益切報效之誠矣為此
繕摺具

奏伏乞

皇上睿鑒批示遵行謹

奏

與該督提商酌辦理

雍正十一年十月十八日湖北夔陵鎮總兵官臣

冶大雄謹

奏為土弁狂悖違

旨欺

君據實奏

聞仰祈

聖裁事竊臣駑駘下乘荷蒙

皇恩拔置總兵駐劄彝陵管轄湖北十五土司臣於抵

任之時即細心訪察土司舉動始知諸司之中惟

容美司田旻如最為強悍復加密探悉得其僭越

暴虐種種不法情狀前冬臣在襄陽備細密稟督
臣邁柱隨蒙督臣諭云彼之惡蹟久已深知非不
欲據實嚴叅實因

皇恩浩蕩漢土一視同仁仍宜仰體

皇上寬貸洪慈再為嚴飭告誡彼自知洗滌改悔臣是
以未敢遽為陳

奏孰意該土弁犬羊成性怙惡不悛查該土弁與施
南司土弁覃禹鼎誼屬翁壻向日往來悉由忠峒

一帶舊路行走忽於上年十二月勾同禹鼎私開
捷便新路彼此往來不由舊道又縱容伊壻禹鼎
殘暴橫行並藏匿大礮八尊經土人控告首報隨
據施州營遊擊劉策名呈報到臣臣即咨呈督臣
飭行查追審究及地方官屢次提追僅繳出礮位
六尊尚有二尊至今未據繳出且又袒護禹鼎抗
不赴審至於伊甥東鄉土司應襲覃楚昭殘暴不
仁一案既經審實擬斬監候部議

題准伊竟不遵

國典敢以私情籲懇終全冒昧已極復又恣肆無忌
於今春二月內突在該司各關揚兵打圍宰牛犒
衆遍歷關隘月餘始返前經臣密稟督臣在案及
督臣邁柱以狂悖叅

奏請

旨將田旻如革職擬罪又蒙

皇上天恩不忍即行嚴究暫停革職准令赴部引

見奉文差委妥當員役伴送隨經督臣檄委臣標守備
韓岳前赴該司伴送該土弁赴部乃田旻如又託
言該司桃子壩春夏被水現在賑濟土民奏請

皇上寬限兩月竟不起身臣思何物土弁敢於煌煌

恩旨抗不凜遵狡詐欺罔莫此為甚臣愚以為該土弁
既敢抗違豈無姦謀結黨布置將來拏究負固強
橫實難逆料臣身任地方固不敢聲張驚擾然亦
不得不預為防備隨一面密飭接壤該司營汛員

弁謹慎防範留心整頓毋得疎懈致滋貽誤一面
飭令密差幹目潛往該司隘口確為探訪並查各
土司有無附會去後續據施州營遊擊劉策名稟
稱密探得容美司遣土人張素謙帶領土人潛赴
施南司將衆人隱伏山林惟張素謙一人於九月
二十八日先到施南司是夜糾合衆土人將土官
覃禹鼎署內家伙器皿及眷口俱帶領私奔容美
該司舍民多不知覺復遣土人回司安慰土民不

要失散到了容美自有安頓目今施南司土民盡
則歸家生活夜則邀同婦女入山等情又據各營
稟據各差目稟稱該司關隘甚緊把守甚嚴不容
外面一人進司其中情形難以探聽等語各到臣
似此姦惡萬端違

旨抗

命強橫不法之士弁斷難一日姑容理合繕摺奏請
皇上敕下督撫提拏按法懲處庶

國法彰人心慰而各土司知所做惕邊境得以敦寧
矣為此繕摺奏

聞伏乞

皇上睿鑒施行謹

奏

所奏俱悉汝職守疆圉防備固所當然第不可妄作聲
勢激出事端一一聽候督臣指示而行百凡舉動切戒
輕躁其欽遵毋違

雍正十一年十一月初一日湖北夔陵鎮總兵官

臣治大雄謹

奏為土弁負

恩叛逆亟請

宸斷以靖邊疆以安民生事竊容美司土弁田旻如僭
越暴虐惡蹟多端及督臣邁柱以狂悖特叅而又
抗違不遵各情狀經臣繕摺奏

聞聽候

聖裁今於本年十月二十日據臣標後營遊擊張廷蘭
專差稟據紅砂堡汛選差偵探土司情形之目兵
熊克純回營稟稱十月十五日二更時分有容美
司斑竹園巫陽坪石龍寨土民男婦二三百人隨
帶鳥鎗器械外帶礮位擁出鄔陽關來到紅砂堡
衆土人口稱田土官身犯

國法今又在椒園斑竹園打城要將我等男婦悉調
進寨婦女留著作當將我們發出與他出力若不

出力就將我等婦女殺了我等所以通知三處土人帶領男婦前來投生等語轉稟到臣臣隨一面密稟督臣邁柱並達知署提臣張正興一面諭令遊擊張廷蘭帶領該營兵丁二百名星赴紅砂堡防禦彈壓並確查該土民等棄土逃來是否實情仍將該土民等隨帶烏鎗礮位查取收貯其土民男婦等應交文員收管緣歸巴有司俱值公出臣隨飭令遊擊張廷蘭查明戶口在於堡汛選擇妥

當地方暫為安頓俟文員回署移交安置復查巴東縣治向無城垣界連恩施縣又逼近該司鄖陽關遊擊張廷蘭既經帶兵赴堡文員又經公出防守乏人臣即諭令接壤巴東之左營守備任大功帶領該營兵丁二百名星往巴東汛內貼防去後又於二十日據遊擊張廷蘭稟據防守紅砂堡把總于元稟據選差偵探土司情形之目兵陳大金等報稱目等十五日在關外巡探見有土民男婦

牛隻陸續擁出關來連夜回汛稟報等情隨於是日未時土衆男婦到汛把總隨將土千總高起龍旗長陳起鳳喚到問田土官待你們好你們為何事攜帶男女倉忙走出關來回稱因昨有外面差來的老爺進司叫小的司官進京他不肯去支吾差官去了土官即差遣頭目發令箭二枝一枝督修椒園斑竹園土城一枝發在關上又發有火藥礮子并過山鳥到關密傳如外面遣發官兵進關

叫小的們合心努力敵殺小的們只得携眷投奔
逃生又問這關甚緊你們怎麼出來的回稟守關
的頭目係昌旗田太年火器營田文如俱是司官
親舍小的們先將田文如網在關上田太年懼怕
是以情願帶眷一同投奔出來的等語把總即差
隊目將土衆男婦暫為安置堡汛等情又於十月
二十七日據遊擊張廷蘭稟稱十七二十等日又
有白僚坪塔梁村等處地方土民男婦陸續逃出

當將土衆暫為安置聽候示下復據巡哨目兵王克昌等報稱目等瞭望鄆陽關內逃出土民空屋復有烟爨關上又有土人把守時放鎗銃再有土目等呈繳田畀如發到鄆陽關上鷄腳過山鳥一門上刻將軍府爵字十六號令箭一枝寅字號理合稟報等情轉稟到臣臣即密稟督臣邁柱並達知署提臣張正興復諭令遊擊張廷蘭督率弁兵嚴加防範恐該土弁統衆追趕搶奪乘勢猖狂以

致貽誤地方隨飭令張廷蘭如所帶兵丁不敷彈壓即將左營貼防巴東官兵檄調赴堡協同堵禦仍一面飛報以憑另派官兵前往巴東貼防去後

臣查土弁田旻如世受

國恩敢於悖天逆理狂縱凶頑歷有確據臣素凜

聖訓非不仰體

皇上一視同仁之至意而敢冒昧陳

奏但查該土弁存心姦險始則屢請

陸見及奉調進京又復捏稱賑濟

奏請寬限明係朦蔽欺罔冀免猜疑便於暗中布置
以遂其狂逞之志且又築城發礮密令敵殺官兵
今值土衆奔出該土弁叛逆情形種種畢露提拏
勢必抗拒伏查彝陵由長陽至百年關汛五日可
到由百年關四百餘里前至該司土寨又自彝陵
起身由歸州巴東至鄖陽關九日可到由鄖陽關
一百四十里前至該司土寨二路俱可進兵以臣

愚見若率臣標兵丁不露一毫聲息乘彼人心不定兼程馳赴出其不意密抵該司土寨將土弁田畧如以及親支族黨並伊塔施南司土弁覃禹鼎悉行收捕仍將恭順土民善為撫恤以靖邊圉至於設官安汛善後事宜恭候

皇上敕下督撫提臣斟酌辦理是否可行伏乞皇上批示欽遵為此謹

奏

斯事宜宜如是輕率舉動真可謂武夫之見凡百總聽督臣指示而行前諭甚明何得復有此請但嚴加防範事至而應不可先發特諭

雍正十一年十二月二十一日湖北夔陵鎮總兵

官臣冶大雄謹

奏為敬繳

硃批諭旨恭謝

天恩事雍正十一年十一月十五日據臣前差齎摺干

總恭捧

皇上硃批奏摺到鑒臣即郊迎至署焚香敬啓荷蒙
硃批訓示臣跪讀之下感激靡涯又於十二月初一日
據臣前差齎摺家人恭捧

硃批奏摺馳驛到鑒復荷

天恩俯念愚蒙丁寧誥誡臣捧讀再四惶悚實深竊臣
駕駘下質愧昧事機軍旅大務不能持重熟思冒
昧

奏請

批示躁妄之咎夫復何辭乃蒙

皇恩寬大曲賜生成教誨周詳頻開聲蹟復奉

綸音命臣家人馳驛回鑾俾臣早得欽奉速為悛改臣

何人斯仰荷

隆恩如此其深且厚也惟有恪遵

聖訓嗣後凡有事宜一一靜聽督臣指示不敢孟浪輕

率以報

高厚於萬一耳理合繕摺恭謝

天恩並繳

硃批奏摺伏乞

睿鑒謹

奏

誠屬躁妄庸流孟浪武夫若依汝前奏而行成何規模
經此一番訓飭當自知毫無識見向後諸事忖度分量
而為之可也

硃批諭旨卷一百五十六